

四庫全書

史部

欽定四庫全書

史部

兩河經畧卷四

首至

詳校官圖子監司業

臣納麟寶

編修

臣裴謙

覆勘

總校官檢討

臣何思鈞

校對官修撰

臣吳錫齡

謄錄監生

臣葉芳淑

繪圖監生

臣王玉海

欽定四庫全書

史部六

兩河經畧

詔令奏議類二

奏議之屬

提要

臣等謹案兩河經畧四卷明潘季馴撰萬歷

初河決高家堰淮揚高寶皆為巨浸季馴建
議築隄疏於論水勢之強弱復黃河之故道
條上六事詔如議行書中所載皆其時相度
南北兩河奏疏首冠以圖末附書一通不著

所上者為何人書中有奉大司空之教親往
閱視之語考是時工部尚書李幼滋始終主
張其事殆即其人歟李馴先後總河務二十
七年晚輯河防一覽其大旨在以隄束水以
水刷沙卒以此奏功此集所載諸疏並規度
形勢利弊分明足以見一時施工之次第與
所作河防一覽均為有裨實用之言不但補
史志之疎畧備圖之考證已也乾隆四十六

年十一月恭校上


總纂官臣紀昀臣陸錫熊臣孫士毅



總校官臣陸費墀

欽定四庫全書

兩河經略卷首

明
潘季馴
撰





符離橋

寶老谷堆


頭至李鋪計長二萬八千五百八十八丈

山羊 山戔半

台安新

台頭曲

台溝雙




灣捷拷

山谷新築遙提自山谷至真河計長四千九百六十四丈一尺

小涵洞一座

山峇


大河涵洞一座



清中溝

良城





新築堤上河淮
歸集台

山朱

湖鹿白

湖澤荒

前此黃河泛漲
每倒灌入小河
口白洋河并接諸
湖之水失歸仁
集直射泗州
陵腹而正河愈奪
故築堤橫截之
今堤內田地悉皆
荒出流民見歸
耕作而鳳河亦
免沮洳矣

李字鋪下堤堤去
河本遠而昨水必由
小河口白洋河出運
河地勢窪下河湖相
通故不議築堤堤
字歸仁集築堤橫
截以杜奪河之患

堤遙

坊沙

鋪字李

岡家于

自孫家灣至
馬殿城皆高
岡亦天然堤
堤也故不議
築

朱還墩

灣家孫

小河口
白洋河

新築堤
自城吉清

堰今築塞

名塞湖

山蒙老



山陵馬

井兒頭

待止湖

落馬湖

河墩黃

自直河至古城固河外
諸湖藉以容蓄泛漲
之水而湖外高岡乃天
然堤堤故不議築

柳湖

周湖



清

吉

自

堤

築

新

古城

前此淮鎮等坊之水
由諸湖停蓄蓄得無
正渠可以行舟而原田
廬盡被淤沒今俱築
塞水歸正河河制漸
堤外田廬得免水患
形漸歸仕種矣四壩
建于堤之中以宣洩
異常之水且以保堤

潤老劉

縣臨盱

泗州

虹縣

河子成

陵祖

桃源縣

堤樓

墩烟

堤鐘原岸北

大十一百四千八萬一長計河

石壩 崔鎮減水

石壩 徐昇減水

石壩 李天減水

石壩 三義減水

湖晶水

湖李老

湖城陵

『陵城』

『學城』

『淮城』

縣陽沐

縣榆額

城越

洪澤湖

牛腰湖

洪澤湖

萬家湖

清口

新莊鎮


通濟湖原回運進淮河
塞塌損今改運共聯城
北另開出開河口一通上接
淮河水每年水流淤壅
水落去湖由開通運淮
楊永無水患矣

南此桃源南所歸決山
馬廠坡南入淮河南北
岸又有龍鎮李天減水河
於校不能通舟今北所
俱築堤堤而南岸因馬
廠坡高同橫築堤堤
一道則兩堤失時水
無奪河之患矣


新設大堤壩
天妃閣原安
黃水會開塞
以杜黃汛之
入漕河免於
於開塞建壩
以便車馬船隻

志載曰漢以來即有高家
堰
國初平江伯陳瑄復加堅築故

二百年來淮揚無魚鯊
之患至隆慶年間本堤
傾圮淮水由此決浸復民
田望無際令堰成淮水復
由清口會黃入海不但堰內
田地乾出民皆復業而堤外
及泗州濱淮之地舊係民田
悉皆露出可耕矣



兩河經畧卷首



欽定四庫全書

兩河經畧卷一

明 潘季馴 撰

奉明旨陳愚見議治兩河經略以圖永利疏

為奉明旨陳愚見議治兩河經略以圖永利事據管理河道工部郎中余毅中施天麟張譽管河兵備等道叅政龔大器副使林紹張純章時鸞僉事朱東光水利道僉事楊化各曹呈蒙臣并漕運巡撫侍郎江一麟劄付

備仰職等躬歷各該地方逐一查閱要見徐沛豐碣縷水及太黃長隄衝決者作何築塞茶城正河變遷由小浮橋出果否成河崔鎮等決黃水泛溢正漕淤阻作何堵築徐邳一帶長堤應否加幫宿桃以南應否接築老黃河故道應否開復高家堰應否修築新城外一帶老隄是否低薄或原基短促相應接築草灣既開復淤作何濬治或應棄置仍復雲梯關故道黃浦口見今水從東決一望瀾漫以致高寶揚州一帶淺阻因何不行築

塞高竇一帶隄岸有無足恃逐一詳議虛心講求或應
修復舊河或應別求利涉勿拘成案勿避煩勞上裨國
計下奠民生以圖久安長治之策畫圖貼說具由通詳
等因蒙此隨該職等前往徐沛淮揚等處督同淮安府
知府宋伯華揚州府知府虞德煜管河同知王琰蔡玠
劉順之并各州縣掌印管河等官逐一細加查勘從長
計議看得水性就下以海為壑向因海壅河高以致決
隄肆溢運道民生胥受其病故今談河患者皆咎海口

而以濬海為上策則誠然矣第海有潮汐茫無著足不得已而議他闢豈知海口視昔雖壅然自雲梯關肆套以下濶柒捌里至十餘里深皆叁肆丈不等縱使欲另開鑿必須深濶相類方便注放則工力艱鉅必不能成矧未至海口乾地猶可施工及將入海之處則潮汐往來亦與舊口等耳且海之舊口皆係積沙人力雖不可濬水力自能衝刷乃若新闢之地則土壤堅實不特人力難措而水力亦不能衝故職等竊謂海無可濬之理

惟當導河以歸之海則以水治水即濬海之策也然河
又非可以人力導也欲順其性先懼其溢惟當繕治隄
防俾無旁決則水由地中沙隨水去即導河之策也顧
頻年以來無日不以繕隄為事亦無日不以決隄為患
何哉卑薄而不能支迫近而不能容難以浮沙而不能
久隄之制未備耳是以黃決崔鎮等口而水多北潰為
無隄也淮決高家堰黃浦等口而水多東潰隄弗固也
乃議者不咎制之未備而咎築隄為下策豈得為通論

哉又有所未盡者上流既潰地以旁決矣至於下流復或岐而分之其趨於雲梯關正海口者譬猶強弩之末耳蓋徒知分流以殺其怒而不知水勢並分則其力並弱水力既弱又安望其能導積沙以注于海乎職等故謂今日濬海之急務必先塞決以導河尤當固隄以杜決而欲隄之不決者必真土而勿雜浮沙高厚而勿惜鉅費讓遠而勿與爭地斯隄於是乎可固也如徐邳桃清沿河各堤固矣崔鎮等口塞矣則黃不旁決而衝漕

力專高家堰築矣朱家口塞矣則淮不旁決而會黃力專淮黃既合自有控海之勢又懼其分之則力弱也則必暫塞清江浦河而嚴司啟閉以防其內奔姑置草灣河而專復雲梯以還其故道仍接築淮安新城長堤以防其末流盡令黃淮全河之力涓滴悉趨於海則力强且專下流之積沙自去下流既順上流之淤墊自通海不濬而闢河不挑而深矣此職等所謂固隄即所以尊河尊河即所以濬海也猶慮伏秋水發暴漲傷堤職等

查得呂梁上洪之磨臍溝桃源之陵城清河之安娘城等處土性堅實可築滾水石壩參座若水高於壩任其走泄則水勢可殺而兩隄無虞矣至若寶應石隄之當復與夫下流支河之當疏揚州運河之當濬皆今時之切務所宜次第併舉而不可緩者也但前項工程自豐沛徐淮以至海口共長千有餘里自清江浦以至儀真共長參百餘里地勢遙遠工程浩大一時錢糧未措人夫難集除前請發銀貳拾萬兩并截留漕糧捌萬石一

面先將豐沛縷隄太黃遙隄及徐邳一帶縷隄酌量幫築桃清南隄併接淮安新城長隄乘時創築高家堰兩頭水勢稍緩先行築塞寶應湖先用樁笆修築土隄外其餘各項工程相應大加修舉者一面請發錢糧調集官夫買辦物料次第興舉務保無虞等因并將應做工程列款呈詳到臣據此該臣查得接管河道卷內先准工部咨為竭愚忠陳末見以裨安攘事該御史柴祥題踏勘彭城淮邳等處某處河身淤塞作何疏濬某處隄

岸窄狹作何展築某處下流可開支河則滌為數河以分水勢某處海口果有束隘則多方開通以達於海等因又准工部咨為數陳未議懇乞聖明亟賜舉行以裨將來糧運大計事該御史陳世寶題開三義鎮引入清河縣北或出大河口或出清河縣西另開壹河何者為便從長定議又准工部咨為河患頻仍運道艱阻懇乞聖明亟賜議處以裨國計以奠民生事該南河郎中施天麟題要停運斷流大挑河身該部覆題動支官銀製

造平底方舟長柄鐵爬躬親試驗如果挑濬有效先於淤墊最高處逐段濬去或大興工後應否停運仍將高家堰并朱家等口築塞至於高郵寶應隄間多建減水大閘隄下多開支河俱聽從宜處置其黃浦口可塞則塞如另為入海壹路可疏下流亦宜建減水大閘水漲則任其外流水消則儘閘而止等因又准工部咨為河患愈深經治鮮效懇乞聖明特彰宸斷審機宜以圖匡濟事該工科都給事中劉鉉題疏海口洩下流或濬草

灣之口使之開廣或疏雲梯關之淤使之復舊應開海口去處如鹽城安東五港金城一帶孰為利便并查小浮橋新衝之口可否濟運如有淺阻亦要設法開濬等因又准工部咨為披竭愚衷敷陳治河事宜以備採擇以安國計事該戶科給事中李涑題要見安東金城雲梯關等處某處地方堅實可以另開壺河以洩河淮下流興化鹽城沿海廟道口新興場牛團鋪等處某處可以多濬拾餘口以導射陽諸水入海相度計議的確陸

續修舉其徐呂而下河身淤高之當疏老黃河故道之
當復高家堰潰決之當築高寶湖平水閘分水河之當
修俱聽詳估等因又准工部咨為摘陳急治河淮事宜
乞發錢糧以濟興工以保運道以安民生事該工部題
覆前任總理河漕尚書吳桂芳揭帖內議南京戶兵二
部將庫貯糧剩馬價等項銀兩各支壹拾萬兩差官解
至淮安府庫收貯及咨戶部速將見年尾幫漕糧奏請
准留捌萬石咨行漕運衙門分貯沿河各倉聽候支用

其徐沛以上宿遷以上小河口以下及高家堰淮口各
項工程起今水尚未發上緊修築不可因而廢工等因
又該臣欽奉勅諭內開備查草灣口何為既開復淤及
今作何開通全淮水何為南徙不復及今作何疏導徐邳
河身高並州城何以疏之使平黃浦崔鎮等口久塞無
功何以築之使固及查諸臣歷年建議有行奏疏逐一
勘議要見老黃河故道應否開復清桃正河應否挑濬
高家堰寶應堤應否修築小浮橋新衝口可否濟運應

否加挑又徐邳以上地形南昂北下恐隄防壅潰勢必
奔流北徙將為閘河之梗亦要審其孰為正河孰為支
河孰為合河或正而當厚其防或支而當殺其勢或合
而當分其流一併勘議詳妥奏聞區處欽此又准工部
咨為新開海口復淤河患不測乞勅當事臣工多方計
處以圖永濟事該工科都給事中王道成題行臣親詣
雲梯關踏勘果否原係黃河入海之口從前何以通流
今日何以一線詳相其勢明求其故仍自海口而上逐

處講求及備查草灣何時復淤作何開濬或另擇堅實之地多開數口以為通海之路金城以下何以久不疏通崔鎮決口何以築之使固桃源長隄應否修築高家堰應否修理老黃河應否開復大端委官之言決不足憑務必躬親庶有真見合用錢糧應於何處動支原題請各官何以處之使得効力一一籌畫妥妥等因准此案照前事已經會案劄行各該司道逐一勘議誠恐轉委屬官不足憑信該臣會同漕運巡撫右侍郎江一麟

躬親督率沿河荒度南遡維揚看得儀真東關歷石人
頭揚子橋三議河直抵高廟止一帶運河淤淺寶應一
帶湖堤圯壞黃浦決口渰及數邑高家堰水射淮揚清
江浦長隄卑薄柳浦灣至高嶺無隄障禦西窮鳳泗看
得全淮不下清口日益南徙北抵清桃看得崔鎮諸決
水從旁洩一望瀰漫正河淤淺徐沛以上崔家口新河
淺阻北陳一帶水行陸地僅盈尺餘東抵海口看得新
挑草灣尋復淤塞今自清口至西橋一帶河流復通但

不及故河拾分之壹自安東以下河身漸廣雖有淤淺未復全河然河水東下亦無阻礙隨處患害一一查閱明白又經催行司道議呈去後今據前因除徐州迤北新衝崔家口之議另行具題外該臣會同漕運巡撫右侍郎江一麟議照事師古者罔愆智不鑿者乃大孟子論智一章首以禹之治水為喻而論為政則曰為政不因先王之道可謂智乎是大智者事必師古而不師古則鑿矣故治河者必先求河水自然之性而後可施其

疏築之功必先求古人已試之效而後可做其平成之業黃水來自崑崙入徐濟運歷邵宿桃清至清口會淮而東入于海淮水自洛及鳳歷盱泗至清口會河而東入于海此兩河之故道即河水自然之性也元季歲漕江南之粟由揚州直北出廟灣入海至永樂年間平江伯陳瑄始隄管家諸湖通淮河為運道然慮淮水漲溢東侵淮郡也故築高家堰堤以捍之起武家堰經小大澗至阜寧湖而淮水無東侵之患矣又慮黃河漲溢南

侵淮郡也故隄新城之北以捍之起清江浦沿鉢池山柳浦灣迤東而黃水無南侵之患矣尤慮河水自閘衝入不免泥淤故嚴啓閉之禁止許漕艘鮮船由閘出入匙鑰掌之都漕五日發籌壹放而官民船隻悉由五壩車盤是以淮郡晏然漕渠永賴而陳平江之功至今未斬也後因剥食既久隄岸漸傾水從高家堰決入壹郡遂為魚鼈而當事者未考其故乃謂海口壅塞遂穿支渠以洩之蓋欲亟拯淮民之溺多方規畫以為疏導之

計其意甚善而其心亦良苦矣詎知旁支暫開水勢陡趨西橋以上正河遂致淤阻而新開支河濶僅貳拾餘丈深僅丈餘較之故道不及參拾分之壹耳豈能容受全河之水下流既壅上流自潰此崔鎮諸口所由決也今新開尋復淤塞故河漸已通流雖深濶未及原河拾分之壹而兩河全下沙隨水刷欲其全復河身不難也河身既復面濶柒捌里狹者亦不下參肆百丈滔滔東下何水不容若猶以為不足而欲另尋他所別開壹

渠恐人力不至於此也以臣等度之非惟不必另鑿壹口即草灣亦須置之勿濬矣故為今之計惟有修復平江伯之故業高築南北兩隄以斷兩河之內灌而淮揚昏墊之苦可免至於塞黃浦口築寶應隄濬東關等淺修五閘復五壩之工次第舉之則淮以南之運道無虞矣堅塞桃源以下崔鎮口諸決而全河之水可歸故道至於兩岸遙隄或葺舊工或創新址或因高崗或填窪下次第舉之則淮以北之運道無虞矣淮黃二河既無

旁決並驅入海則沙隨水刷海口自復而桃清淺阻又
不足言矣此以水治水之法也若夫扒撈挑濬之說僅
可施之於閘河耳黃河河身廣濶撈濬何期悍激湍流
器具難下前人屢試無功徒費工料但恐伏秋水發淫
潦相仍不免暴漲致傷兩堤故欲於磨臍溝陵城安娘
城等處再築滾水壩參道萬一水高於壩任其宣洩則
兩隄可保而正河亦無淤塞之患矣徐州以南之工如
此而已或有難臣者曰臣等欲順水性今淮水欲東而

乃挽之使北黃水欲北而乃挽之使東無乃水性之未
適乎臣曰水以海為性也決水乃過潁在山之水也非
其性也或者又曰昔禹治河播九河同為逆河入于海
今臣等乃欲塞諸決併二瀆而不使之少殺耶縱有滾
水壩僅去浮面之水百壹耳亦烏能殺其勢也臣應之
曰九河非禹所鑿特疏之耳蓋九河乃黃河必經之地
勢不能避而禹仍合之同入於海其意蓋可想也況黃
河經行之地惟河南之地最鬆禹導河入海止經鄭縣

孟津鞏縣三處皆隸今之河南一府其水未必如今之
濁今自河南府之閿鄉縣起至歸德之虞城縣止凡五
府河已全經其地而去禹導河之時復三千餘年流日
久土日鬆土愈鬆水愈濁故平時之水以斗計之沙居
其陸壹入伏秋則居其捌矣以貳升之水載捌升之沙
非極湍急即至停滯故水分則流緩流緩則沙停勢所
必至者臣等不暇遠引他證即以近事觀之草灣一開
而西橋故道遂淤崔鎮壹決而桃清以下遂澀去歲水

從崔家口出則秦溝遂為平陸此眼前事也又何疑哉
所據司道諸臣款議前來臣等復加參酌似應允從伏
望敕下該部再加查議如果臣等所言不謬俯賜俞允
行臣等遵照及時興舉除工程夫役錢糧數目另本具
陳其緊關工程如高家堰淮城北隄馬廠坡濬揚州諸
淺并塞小缺口拾肆處工所必舉而伏前尚可舉事者
一面分投興工外緣係奉明旨陳愚見議治兩河經畧
以圖永利事理謹題請旨

計開

一議塞決以挽正河之水竊惟河水旁決則正流自微水勢既微則沙淤自積民生昏墊運道梗阻皆由此也臣等查得淮以東則有高家堰朱家口黃浦口參決此淮水旁決處也桃源上下則有崔鎮口等大小貳拾玖決此黃水旁決處也俱當築塞但伏秋之水相繼而至非惟地為水占無處取土抑且波濤洶湧為工不堅除將

決口稍窄者見在分投興築外其決至數拾丈
以上者一面鳩集工料相時興舉伏候聖裁

一議築隄防以杜潰決之虞照得隄以防決隄弗
築則決不已故隄欲堅堅則可守而水不能攻
隄欲遠遠則有容而水不能溢累年事隄防者
既無真土類多卑薄已非制矣且夾河束水窄
狹尤甚是速之使決耳合無力監前弊凡隄必
尋老土凡基必從高厚又必繹賈讓不與爭地

之旨倣河南遠隄之制除豐沛太黃隄原址遙
遠仍舊加幫外徐邳一帶舊隄查有迫近去處
量行展築月隄仍於兩崖相度地形最窪易以
奪河者另築遙隄桃清一帶南崖多附高岡但
上自歸仁集以至朱連家墩古堤已壞相應修
復下抵馬廠坡地形頗窪相應接築以成其勢
北崖自古城至清河亦應創築遙隄壹道不必
再議縷隄徒糜財力及查清江浦外河一帶至

柳浦灣止為淮城北堤除掃灣單薄量行加幫
外但原基短促防護未周仍自柳浦灣至高嶺
創行接築肆拾餘里以遏兩河之水盡趨於海
自清江浦運河至淮安西門一帶舊隄相應再
行幫厚勿致裏河之水走洩妨運如此則諸隄
悉固全河可恃矣伏候聖裁

一議復閘壩以防外河之衝查得先該平江伯陳
瑄創開裏河仍恐外水內侵特建五閘設法甚

嚴鎖鑰掌於漕巡啟閉屬之分司運畢即行封
塞一應官民并回空船隻悉令車盤此在嘉靖
初年尚爾循行故事制非弗善也奈何法久漸
弛五閘已廢其壹僅存肆閘亦且坍塌殆盡漫
無啟閉是以黃淮二水悉由此倒灌致傷運道
合無議復舊制將見存肆閘俱加修理嚴司啟
閉俟貳月先後糧運過完即行封閉惟遇解貢
船隻方許啟放仍行查復五壩以便官民船隻

照舊車盤毋致曲徇使客致壞良規伏候聖裁
一議新建滾水壩以固隄岸照得黃河水濁固不
可分然伏秋之間淫潦相仍勢必暴漲兩崖為
隄所固水不能洩則奔潰之患有所不免今查
得呂梁上洪之磨臍溝桃源之陵城清河之安
娘城土性堅實合無各建滾水石壩壹座比隄
稍卑貳參尺濶參拾餘丈萬壹水與隄平任其
從壩滾出則歸漕者常盈而無淤塞之患出漕

者得洩而無他潰之虞全河不分而隄自固矣
伏候聖裁

一議止濬海工程以免糜費照得海口為兩河歸
宿之地委應深濶但查海口原身自清口至安
東縣面濶貳叁里自安東歷雲梯關至海口面
濶柒捌里至拾餘里深各叁肆丈不等止因去
年旁決之後自桃清至西橋一帶淤塞尋復通
流今雖未及原身拾分之壹而兩河之水全歸

故道並流洗刷深廣必可復舊至云相傳海口
橫沙并東西二尖據土民李真等吐稱並未望
見潮上之時海舟通行無滯潮退沙面之水尚
深貳尺況橫沙并東西二尖各去海口叁拾餘
里豈能阻礙河流故臣等以為不必治亦不能
治惟有塞決挽河沙隨水去治河即所以治海
也別鑿壹渠與復濬草灣徒費錢糧無濟於事
伏候聖裁

一暫寢老黃河之議以仍利涉照得黃強淮弱每
每逼淮東注故議者欲復老黃河故道冀使黃
水稍避高堰民墊可瘳斯亦得策但勘得原河
柒拾餘里中間故道久棄無論有水無水之地
詢之居民俱失其真無從下手一不便也且已
棄故道欲行開復必須深廣與正河等乃可奪
流今見存大河口窄狹不及桃清叁分之壹而
三議鎮入口之處背灣徑直猶恐水未必趨二

不便也又其中流如魚溝鐵線溝葉家口陰陽口等處地勢卑窪諸決之水漫流至此一望瀰茫築隄費鉅且恐難保參不便也況今挑清遙隄議築則黃水自有容受崔鎮等決議塞則正河自日深廣高家堰議築則淮水自能會黃清江浦等閘議啟閉新城北隄議行接築則淮安高寶興鹽等處自無水患此河雖不必復可也伏候聖裁奉聖旨工部看了來說

條列河工事宜乞恩俯賜俞允以便經理疏

為條列河工事宜乞恩俯賜俞允以便經理事該臣會同漕運巡撫右侍郎江一麟議得工役繁興料理宜預官夫蝟集調度須周若不先為申明未免臨事舛錯除兩河疏築之議另行具陳外所有一二事宜不得不上煩聖聽者敬列條款擬議上請伏望敕下該部再加查議如果臣言不謬俯賜施行臣等不勝感幸

計開

一議支放照得鳩工聚材出納甚瑣收掌銷筭頭緒頗多稽覈不嚴必滋冒破臣與撫臣百責攸萃兼以閱視不常無暇躬親經理合無比照昔年邵工事例將請發銀兩俱解淮安府貯庫各工應給工食應買物料府佐等官開數赴各該分督司道官覈實給票赴兩淮巡鹽衙門覆覈掛號方許開支每季終該府將票類送巡鹽衙門比對號印數目相同發回附卷通候工完類

覈造冊奏繳如有奸弊按法追究庶臣等得以專心河工而錢糧亦易於清楚矣伏乞聖裁

一議分督照得河工浩繁道里遙遠若非多官分理不免顧此失彼分工之後錢糧出入工程次第皆其首尾遇有陞調等項若聽其離任則本官所分之工又須另委補替文移往來便至逾月及到工所茫然無措何以望其竣事而底績也合無俯念河工重大如遇前項相應離任官

員容臣等暫留完工稽其勤惰別其功罪請旨處分方得離任庶人心專定覬覦不萌而事易責成矣伏乞聖裁

一議責成照得州縣正官職專親民故民易驅而事易集也奈何相沿之弊視河患如秦越視管河官如贅疣即以分司部屬臨之蔑如也妨工債事實由於此目今大工肇興諸務叢脞若非責成各掌印官鮮克有濟合無興工之後一應

派撥夫役買辦物料俱以責之各掌印正官躬
親料理仍選委賢能佐二管押夫役赴工不許
將陰醫等官搪塞如有仍前玩愒派辦失宜以
致夫役逃散物料稽遲該工司道官即時叅呈
以憑奏治事完之日仍與管理河工諸臣一體
分別題請施行庶事權歸一人無推避而大工
自易矣伏乞聖裁

一議激勸照得各工委官除府佐縣正外其州縣

佐二府衛首領及雜職陰醫義民等官或管領人夫或措辦樁埽或運取執石或打造器具衆務紛紜如臂使指但各官出入泥淖櫛沐風雨艱辛畢萃殊可矜憫有功而薄其賞誤事獨重其罰此人心之所以懈弛而事功之所以隳墮也合無工完之後容臣等逐一精覈如有實心任事勞苦倍常者俯賜破格超擢中間有劣陞王官等項准與改擢其陰醫等官原有部劄

冠帶者厚加獎犒如係義民准照題給冠帶榮
身仍與陰醫等官一體免其本等差徭庶人心
爭奮而百事易集矣伏乞聖裁

一議優恤各工夫役計工者每方給銀肆分計日
者每日給銀叁分而本籍本戶幫貼安家銀兩
有無聽從其便茲亦不為薄矣但貧民自食其
力衝寒冒暑暴風露日艱苦萬狀縱使稍從優
厚亦不為過合無每夫一名於工食之外再行

量免丁石壹年容臣等出給印信票帖審編之時許令執票赴官告免州縣官抗違許其赴臣告治如此則惠足使民民忘其勞矣伏乞聖裁一議蠲免照得淮揚河患頻仍民遭昏墊稱最苦者如淮安所屬山陽清河桃源宿遷睢寧安東鹽城鳳陽所屬泗州揚州所屬興化寶應徐州所屬蕭縣十一州縣者一望沮洳寸草不長凋敝極矣適今大工興舉用夫頗多舍近取遠鄰

封未免有詞而此中流移貧民亦賴做工得食
少延殘喘應派夫役既不容已應輸賦稅復加
責辦實為繁苦合無軫念災極民窮姑將前十
一州縣本年見徵夏秋起運錢糧特蠲壹半行
臣等揭示通知俾催科少緩人樂趨役伏乞聖
裁

一議改折照得大工肇興費用不貲帑藏空虛既
難搜括閭閻窮困又難加派臣等反覆思惟無

可為處萬不得已輒有非分之請而非所敢必也職等竊聞太倉之粟可備捌玖年之食積愈久則粟易朽故官軍之情有不願本色而願折色者稍加變通未為不可合無暫將今歲漕糧除淮北及河南山東照舊兌運外其淮南并浙江等省姑准改折照例正兌每石連耗米輕齎折銀柒錢改兌每石連耗米折銀陸錢即以伍錢給軍正兌尚餘銀貳錢改兌餘銀壹錢兌運

停止官軍應得行月糧留發河工支用總計可得玖拾餘萬兩以運軍應得之數而濟國家大工之需在內帑無支發之煩在閭閻無徵派之苦在朝廷為不費之惠在河工免缺乏之虞而在工諸臣亦得悉心疏築可無顧此失彼之慮所謂兩利而俱全者也臣等非不知近該科臣建議奉有明例但錢糧浩繁時當詘乏舍此則惟有請發內帑耳故敢冒昧陳瀆伏望敕下該

部再加查議如可允行河工幸甚臣等幸甚伏
乞聖裁

一議息浮言臣等竊惟治河固難知河不易故雖
身歷其地猶苦於措注之乖舛而況於遙度乎
但勞民動衆之事怨咨易興而往來絡繹之途
議論易起至於將迎之間稍稍簡畧則以是為
非變黑為白者亦不可謂其盡無也憂國計者
以急於望成之心而偶聞必不可成之語何怪

乎其形諸章牘也而不知當局者意氣因而銷沮官夫遂生觀望少為揺奪隳敗隨之勉強執持疎遯難達其苦有不可言者伏望皇上俯垂鑒照容臣等殫力驅馳悉心料理寬臣以參年之期如有不效治臣以罪伏乞聖裁奉聖旨工部知道

兩河經畧卷一

欽定四庫全書

兩河經畧卷二

明 潘季馴 撰

勘估兩河工程乞賜早請錢糧以便興舉疏

為勘估兩河工程乞賜早請錢糧以便興舉事據管理
河道郎中余毅中施天麟張譽管河兵備等道叅政龔
大器副使林紹張純章時鸞僉事朱東光水利道僉事
楊化各會呈前事蒙臣并漕運巡撫右侍郎江一麟劄

付備仰職等親歷各該地方逐一相度除河惠源委疏
治事宜先行具呈訖今將職等估計過各項工程合用
錢糧分理官員派調夫數逐一會計明白及稱錢糧無
處要得題請破格蠲發等因列款呈詳到職案照先為
前事已該臣等會案劄行各該司道勘議過疏治兩河
經畧緣由前來另本具題外又經催行逐細估筭工程
去後今據前因該臣會同漕運巡撫右侍郎江一麟議
得北自豐沛南抵爪儀螳蜿壹千餘里中間應築應塞

應建應復工程不遺尺寸當此極敝大壞之時欲為壹
勞永逸之計若非重費豈能有成所據司道估勘銀兩
官夫數目臣等復加筭覈委不可已伏望敕下該部再
加查議題請速賜俞允行臣等遵照施行地方幸甚

計開

一議錢糧照得河工募夫計土論方者築隄方廣
壹丈厚壹尺為肆工每工給銀肆分計日者每
日給銀叁分伍夫日給銀壹分風雨量犒此歷

年議工之成規也但土有遠近力有倍省工難處所量須加增以均苦樂至于合用料物椿草蒜麻柳稍灰鐵之類俱須查照時價難以律論但當嚴加稽查勿滋虛冒除徐沛碭山黃縷貳堤并徐邳睢靈宿遷兩岸幫堤剏築歸仁集堤挑清接築新堤高家堰與淮口支河先共估銀貳拾貳萬肆千叁百叁拾貳兩叁錢捌分已經工部題奉欽依動發南京戶兵貳部銀貳拾萬

兩并留漕糧捌萬石除前工支用外約該剩銀
壹萬伍千陸百陸拾柒兩陸錢貳分相應聽作
後工支用今估計得崔鎮決口共長壹百捌拾
丈中段水深壹丈貳尺兩頭深淺不等俱應築
根濶貳拾丈頂濶拾丈計用人工樁草蘆麻等
料該銀壹萬兩黃浦決口先就上流斜築計長
陸拾丈水深壹貳丈不等應築根濶貳拾丈頂
濶拾丈計用工料銀陸千兩填塞原決長壹百

陸拾丈該用工料銀肆千兩應展月堤自徐州
玄黃貳鋪計長捌百伍拾丈根濶伍丈頂濶壹
丈肆尺高壹丈貳尺每丈計土叁拾捌方肆分
共叁萬貳千陸百肆拾方計工壹拾叁萬伍百
陸拾工該銀叁千玖百壹拾陸兩捌錢應築遙
堤南岸自靈璧縣張字鋪起至邳州果字鋪止
長玖拾捌里北岸自呂梁山空連築至邳州直
河止長柒拾伍里桃源古城起至清河攢墩止

長壹百貳拾里共長貳百玖拾叁里計伍萬貳
千柒百肆拾丈應築根濶陸丈頂濶貳丈高壹
丈貳尺每丈計土肆拾捌方共貳百伍拾叁萬
壹千伍百貳拾方計工壹千壹拾貳萬陸千捌
拾工該銀肆拾萬伍千肆拾叁兩貳錢內查沙
墊土難在邳睢各界約長貳拾里桃清各界約
長貳拾伍里貳處計長捌千壹百丈該土叁拾
捌萬捌千捌百方每方量加貳工該加銀叁萬

壹千壹百肆兩加椿草等料該銀捌百玖拾兩
呂梁磨臍溝桃源陵城清河安娘城參處各建
滾水石壩壹座每座工料銀叁千兩共銀玖千
兩淮城北堤自大王廟起至柳浦灣止肆拾伍
里零長捌千貳百伍拾貳丈肆尺加幫根濶貳
丈貳尺頂濶壹丈壹尺高陸尺每丈計土玖方
玖分該土捌萬壹千陸百玖拾捌方捌分計工
貳拾肆萬伍千玖拾陸工肆分該銀柒千叁百

伍拾貳兩捌錢玖分陸釐又自柳浦灣起至高
嶺止肆拾餘里實長陸千肆百玖拾陸丈柒尺
捌釐根濶肆丈伍尺頂濶壹丈伍尺高陸尺每
丈計土拾捌方該土壹拾壹萬陸千玖百肆拾
方陸分計工肆拾陸萬柒千柒百陸拾貳工肆
分但取土甚遠遍野虛沙有尋距伍里挖至丈
餘者若一槩論方給銀恐難濟事共估銀叁萬
叁千柒百壹拾兩伍錢伍分清江浦一帶運堤

南岸自王卿家起至壽州廠止長貳千貳百貳拾丈北岸自月河口起至許嶺家止長捌百捌拾丈各加高參肆尺濶壹丈肆伍尺不等共計土貳萬貳千壹拾方計工陸萬陸千參拾工該銀壹千玖百捌拾兩玖錢內北岸一帶缺口計用樁料該銀肆百捌拾陸兩修復通濟閘并塞天妃閘該用工料銀壹千兩修復板閘清江福興新莊等閘各加石陸柒層不等共該工料銀

壹千肆百玖拾兩肆閘各開月河打壩截流該
用銀伍百兩修復仁義等壩約用銀伍千兩寶
應湖堤自陸淺起至瓦店止長叁拾里添石修
補工料該銀捌萬玖千伍百柒拾兩沿堤設減
水閘陸座每座工價銀伍百兩共銀叁千兩下
流應開支河如興化縣白駒丁溪貳場鹽城縣
新河廟等處各應挑深濶丈尺不等共計夫工
該銀貳萬伍千捌百柒拾陸兩揚州河自高廟

至揚子橋計長伍千捌百貳丈應挑深陸柒尺
不等共計夫工該銀壹萬玖千肆百肆拾陸兩
伍錢儀真縣自東關至石人頭止計長肆拾伍
里量加疏濬該銀叁千伍百兩舊例管工員役
各有廩糧府佐每員日給廩糧銀壹錢貳分每
員各帶書辦壹名日給口糧銀肆分州縣佐貳
首領等官每員日給廩糧銀陸分省祭陰翬義
民老人每名日給口糧銀肆分約該銀貳千兩

以上總括之數大約如此至於工程難易料價
低昂裒多益寡截長補短容職等隨時通融計
筭要在節縮不至虛糜而已通共該銀陸拾陸
萬肆千捌百陸拾陸兩捌錢肆分陸釐除前支
剩銀壹萬伍千陸百陸拾柒兩陸錢貳分伍夫
減省工食銀壹萬伍千兩揚州挑淺并白駒丁
溪鹽場新河廟等處支河議動巡鹽衙門銀叁
萬伍千捌百柒拾陸兩外尚該銀伍拾玖萬捌

千叁百貳拾叁兩貳錢貳分陸釐職等查得河道歲額錢糧山東南直隸原無餘積每遇年例修築東那西補甚至縮手待敝以致因循誤事追悔莫及止有河南壹省見貯銀壹拾玖萬餘兩而彼中河工繁鉅如梁靖口黃陵崗孫家渡趙皮寨銅瓦廂等處築堤防決費用不貲剗肉補瘡勢難那借合無俯念大工緊急破格議處准照臣等所請改折將正額解京餘銀留工支

用庶為不費之惠如有不可乞照都給事中劉
鉉題請內帑支發通貯淮安府庫聽司道官查
覈赴巡鹽御史處覆覈關支伏候聖裁

一議分督照得工程浩大道里遙遠若非多官分
理畫地責成不免顧此失彼今議徐州北岸自
呂梁洪至邳州直河止一帶遙堤築拾里該海
防道叅政龔大器總管自桃源縣古城以下遙
堤陸拾里并塞界內缺口及建陵城滾水壩壹

座該淮北分司郎中余毅中總管自桃源界至
清河權墩止遙堤陸拾里并塞界內決口及建
安娘城滾水壩壹座該添註管河道副使張純
總管自徐州南岸玄黃貳鋪月堤并靈睢界內
遙堤伍拾餘里及建磨臍溝滾水壩壹座該徐
州道副使林紹總管自睢寧界內遙堤肆拾餘
里并築歸仁集堤叁拾伍里該潁州道僉事朱
東光總管修復淮安板閘至新莊閘共肆閘修

築裏河兩堤并新城北一帶幫築新舊堤及塞
黃浦口該水利道僉事楊化總管外興鹽支河
先經該道呈允行各縣掌印官開挑仍應該道
查催築高家堰中段塞天妃閘朱家口開復通
濟閘修築趙家口迤西堤岸修復仁義等伍壩
該添註管河郎中張譽總管修築寶應一帶土
石堤并建減水閘及挑濬揚州至儀真一帶河
道該南河分司郎中施天麟總管以上司道捌

員均分捌大工每司道壹員分督府佐貳員計
用府佐壹拾陸員每府佐壹員分督州縣佐貳
首領陰醫省祭官拾員共用壹百陸拾員聽臣
等於所屬地方掄才調取如員數不足及各官
間有經手要務妨占者容臣等於附近省分有
司內查有幹濟素著者另行具奏調用分工之
後大小官員俱要悉心經理總有應理公務止
許工上幹辦不得擅離工次工完之日通將効

勞官員分別等第及怠玩誤事者一并題請處分以昭勸懲伏候聖裁

一議夫役照得前項工程一時並舉約用夫捌萬名內除量調各處徭夫柒千伍百名外今議派淮安府所屬募夫貳萬柒千伍百名揚廬鳳三府各募夫壹萬名徐州所屬募夫壹萬名滁州二州共募夫伍千名內有災傷及衝繁州縣聽該道官酌議減免應得工食照常支給仍行各

該掌印官按籍派募如將無籍之徒應名塞責
以致臨工逃散者容臣等指名叅究伏乞聖裁
奉聖旨工部知道

黃河來流艱阻後患可虞乞恩速賜查議以圖治
安疏

為黃河來流艱阻後患可虞乞恩速賜查議以圖治安
事臣等猥以謏材謬膺重任晝夜思惟欲求萬全之策
以報陛下罔極之恩食不甘味寢不貼席者參月矣而

卒未能快於心也竊惟今之談河患者莫不曰徐邳河
身墊高水易溢也崔鎮諸口未塞桃清淺阻也高堰黃
浦淮水橫流淮揚之民久為魚鼈也淮黃兩河之水漫
無歸宿海口沙墊也此徐州迤南之患耳目之所覩記
運道之所必資故人人得而言之也臣等已於前月貳
拾捌日會本具題陛下俯從臣請兩年之內或可脫淮
揚昏墊之苦免運道梗阻之虞而臣等亦得藉以少逭
愆尤矣然其大可憂者不在此也敬敬陳之臣等初抵

淮安即詢黃河出接運道處所衆云出徐州小浮橋則臣等喜以為此黃河故道之最順者也又詢水深若干衆云深肆丈餘則臣等又喜以為此河身之本體也又詢小浮橋迤西則為胡佃溝為梁樓溝為北陳為鴈門集為石城集而石城集以上拾伍里則為崔家口即去歲捌月所決之口也其間淺深俱不能答臣等即行淮安府管河同知王琰前往測度去後隨於肆月貳拾玖日親督淮北分司郎中余毅中添註管河郎中張譽徐

州管河兵備副使林紹添註管河副使張純沿河踏勘
行至徐州隨據王琰揭報前項河水深柒捌尺至貳叁
尺不等而梁樓溝至北陳叁拾里則止深壹尺陸柒寸
散漫湖坡一望無際原係民間住址陸地非比沙淤可
刷故河流逾年而淺阻如故也臣等不勝驚訝隨據徐
州碭山鄉民段守金龔泮王霜等各呈稱老河故道自
新集歷趙家園蕭縣薊門出小浮橋壹向安流名曰銅
幫鐵底後因河南水患另開壹道出小河口本河漸被

沙淺至嘉靖參拾柒年河遂北徙忽東忽西靡有定向行水河底即是陸地比之故道高出參丈有餘停阻泛濫妨運殃民懇乞開復老河上下永利等情臣等當督前司道并山東管河道副使邵元哲河南管河道副使唐汝迪由夏鎮歷豐沛至崔家口復自崔家口歷河南歸德府之虞城夏邑商丘諸縣至新集閱視間則見黃河大勢已直趨潘家口矣隨據地方鄉老靳廷道等稟稱去此拾貳參里自丁家道口以下貳百貳拾餘里舊

河形迹見在儘可開復臣等即自潘家口歷丁家道口馬牧集韓家道口司家道口牛黃垆趙家圈至蕭縣一帶地方委有河形中間淤平者肆分之壹地勢高亢南趨便利用錐鑽探河底俱係滂沙見水即可衝刷又據夏邑虞城等縣鄉官王極鄉民歐陽照等柒百餘人連名呈告俱為乞疏舊河便民事切照黃河故道自虞城迤下蕭縣迤上夏邑迤北碭山迤南嘉靖年間岸濶底深水勢安流既於運河無虞亦於民田無害商賈通行

貿易大遂民稱豐庶自嘉靖叁拾陸年以後故道漸淤
河隨北徙黃流泛溢青野汪洋居民拾不存壹運道屢
年阻滯告乞早為開通上利下便是誠萬世盛舉等情
臣等度其言實為探本之論但道里遼遠工費鉅艱復
又沿河荒度更無省近可從者而臣等又冀崔家口一
帶淺阻去處或可疏濬成河易為力也復督各官駕小
舫至梁樓溝北陳等處躬親測量委果淺阻河底原係
陸地委難衝刷蕭縣地方一望瀰漫民無粒食號訴之

聲令人酸楚該縣城外環水為壑城中儲水為池居民
逃徙官吏嬰城難守見今題請遷縣臣等竊思之壹縣
之害此其小也夫黃河并合汴沁諸水萬里湍流勢若
奔馬陡然遇淺形如檻限其性必怒奔潰決裂之禍臣
等恐不在徐邳而在河南山東也止緣徐州以北非運
道經行之所耳目之後人不見及止見其出自小浮橋
而不考小浮橋之所自來遂以為無虞耳豈知水從上
源決出運道必傷往年黃陵岡孫家渡趙皮寨之故轍

可鑒乎臣等又查得新集故道河身深廣自元及我朝
嘉靖年間行之甚利後壹變而為溜溝再變而為濁河
又再變而為秦溝止因河身淺澁隨行隨徙然皆有丈
餘之水未若今之逾尺也淺愈甚則變愈速臣等是以
夙夜為懼也臣等又查得此河先年亦嘗建議開復止
緣工費浩繁因而寢閣臣等竊料先時諸臣雖以工費
為辭實非本心蓋誠慮黃河之性叵測萬一開復之後
復有他決罪將安辭目前既有壹河可通姑為苟安之

計耳而不知臣子任君父之事惟當論可否不當論利害惟當計其功之必成不當慮其後之難必且所慮者他決也隨決隨塞亦非有甚難者故河變遷之後何處不溢何年不決寧獨不慮之乎臣等與司道諸臣計之故河之復其利有伍河從潘家口出小浮橋則新集迤東一帶河道俱為平陸曹單豐沛之民永無昏墊之苦壹利也河身深廣受水必多每歲可免泛溢之患虞夏豐沛之民得以安居樂業貳利也河從南行去會通河

甚遠閘渠可保無虞參利也來流既深建瓴之勢尊滌
自易則徐州以下河身亦必因而深刷肆利也小浮橋
之來流既安則秦溝可免復衝而茶城永無淤塞之虞
伍利也臣等以為復之便至於復故道難仍新衝易復
故道勞仍新衝逸則臣等計之熟矣然舍難就易趨逸
避勞慮日後未必之身謀而不惜將來必致之大患
皆非臣等之所以盡忠於陛下也臣等勘議之後即擬
具題但因伏水將發猶望水勢洶湧或可衝刷成渠近

又行據同知王瑛回稱勘得北陳等處原深壹尺陸柒寸者今止深柒捌尺臣等看得伏秋暴漲之時水增陸尺有餘則客水消落之後不免仍存本體矣伏望敕下該部查議如果臣等所言不謬擬議上請特差素識水性科臣壹員前來候秋深水落與臣等會同山東河南撫臣及兼理河道巡鹽御史躬親勘議如果可復即便估計錢糧會本題請早賜施行地方幸甚臣等幸甚

恭報河工大舉日期疏

為恭報河工大舉日期事據管理河道郎中張譽等水利等道副使張純等呈稱抄蒙臣并漕撫侍郎江一麟會案劄行各官遵照題奉明旨將各分督河工候水落興舉壹向鳩聚工料委調官夫俱有次第即今霜降在邇水勢漸消擇於玖月初拾日祭告本月拾伍日起土興工及將天妃閘塞口斷流以便修築諸閘揚州打壩攔水以便挑濬淤淺仍乞揭示往來船隻暫行停止等因到臣案照先該臣等題為勘估兩河工程乞賜早請

錢糧以便興舉事款開一議分督看得河工浩大派為
捌工定委總管司道官捌員督理該工部覆奉欽依備
咨臣等通行欽遵間續因南河郎中施天麟奉旨降調
水利僉事楊化拏問遺下貳工缺官監督臣等議將施
天麟所管寶應堤工改委營田道僉事史邦直揚州挑
淺改委該府知府虞德煜楊化所管清江浦兩岸築隄
改委主事陳瑛增修新莊等肆閘改委淮安府知府宋
伯華各管理柳浦灣一帶新隄并添寶應捌淺決工改

委今補水利道副使張純黃浦口決工改委今補南河
郎中張譽各兼理訖止有徐州兵備副使林紹原分壹
工近該臣等題為河工大舉水旱頻仍謹循明例陳便
宜以計安地方事議得本官河務欠諳力求解脫應合
調處乞將真定副使游季勲加銜陞補勒限到任督管
此工尚未奉旨臣等一面督行徐州知州孫養魁靈璧
縣知縣張允孚睢寧縣知縣徐密查照原分界址興築
仍恭候成命至日施行其各工分委府佐及州縣正佐

首領等官臣等遵奉明旨先已列名咨送吏部訖臣等
向慮大役繁興料理宜預屢經嚴督整備相時肇舉去
後今據前因看得霜降水消正宜及時工作相應依擬
除批行遵照外再照河工難鉅經理甚難國計民生關
係匪細在工大小諸臣累奉明旨申飭多方遴選靡不
鼓舞奮勵期副廟堂責成之盛心矣興工之後益宜專
心致志殫忠宣力務求堅久共成永利之澤仰舒我皇
上南顧之憂如有因循墮誤以致半途之廢苟且塞責

僅為目前之圖該工官員縱以別故去任容臣等指名
追治必不敢姑息自干法紀今將興工日期及更置申
飭緣由擬合奏報

恭報兩河工程次第疏

為恭報兩河工程次第事據原委督工司道等官郎中
余毅中叅政龔大器游季勲副使張純僉事朱東光各
呈稱原蒙本院分定應築黃河兩岸遙隄并淮城北柳
溝灣等隄自本年玖月拾伍等日興工至今止築過工

程中因取土難易工夫不齊總計丈尺大約已完拾分之參應建減水壩參座見在採辦石料捌淺已築西隄并挑濬月河通運東隄見在攔水興工又據郎中張譽呈報高家堰未築中段隄岸共長參千陸百陸拾丈內大澗湯恩等大小決口共長壹千陸拾丈今已築過壹千伍拾丈止餘拾丈未合偶阻風雪見今晝夜督併不日斷流另報黃浦口水流已緩俟高堰斷流之後自易築塞及稱方信貳壩工完見在車放回空糧船朱家口

趙家口一帶隄決塞築已完通濟閘石止餘肆層見在
催砌又據僉事史邦直呈稱寶應湖隄除填土工程已
完拾分之參應砌石工隄根無水處所見在甃砌有水
者打壩掣水一面鑿石下樁等因又據余毅中稟稱今
歲節奉牌行職等加嚴修守自邳州迤北并南岸一帶
縷隄幸保無虞河水入漕止餘原報桃清上下大小決
口自捌月拾陸日以來仰仗朝廷福庇百靈效順諸決
自塞崔鎮大決口壹處原勘共長壹百捌拾丈近緣水

歸故道日漸淤平止餘中段壹溝深坎處所積水參肆
尺不等原蒙本院諭令姑待高堰斷流之後再看水勢
何如方行議築今本口淺涸乃在高堰未築之前縱留
無益莫若一體建築遙隄及查原議呂梁洪地名磨臍
溝應築減水壩壹座今本處河渠深刷地形頗高莫若
將此壩移建崔鎮口以順趨下之勢又查得清河縣北
伍拾餘里羅家口夏家口周家口新河口肆處向來分
流灌口入海既非運艘經行之路亦無築隄妨礙似應

姑留等因又據淮安府知府宋伯華申報督修福興等閘掣水砌石工完參分之壹又據揚州府知府虞德煜申報挑濬揚州運河自高廟至楊子橋長伍千捌百貳丈外又增挑孟家溝長壹千捌百貳拾貳丈伍尺儀真縣運河自東關至石人頭長肆拾伍里俱於本年拾壹月初拾日工完申行水利道覈實開壩放水等因各報到臣案照先該臣等題為勘估兩河工程乞賜早請錢糧以便興舉事該工部覆奉欽依備咨臣等已經通行

司道府督令大小委官集夫辦料擇於玖月拾伍日開
工具本題知訖今據前因該臣會同侍郎江一麟竊照
治河之工築隄固難而塞決尤難今幸仰仗我皇上一
誠默運上格天心河伯效靈諸決自塞臣等原議欲挽
旁決之水以歸正道今已悉從人願桃清而下昔如溝
洫今皆洗刷深廣如故此雖郎中余毅中修守之功不
無少效勤勞然人力不至於此也及查雲梯關海口大
閘清口通利兩河順軌參月之間河形頓改此自古迄

今所無之事而臣等偶幸遭逢如此何敢貪天功為已力哉止餘大澗口壹拾丈未合淮水尚分壹小支東奔若天氣晴和功在旬日不足慮也但黃水雖已歸正而隄不築則明歲伏秋必復泛溢故堅築遙隄以固其防剏築減水壩以殺其勢其工未可緩也高堰之工斷流雖已可期而一線未足為恃必俟斷流之後隄內積地乾出廣取其土加培高厚方可無虞再查黃浦捌淺貳口皆因高堰之水漫溢衝決高堰既塞則貳口之築自

易湖隄閘座亦當次第告成崔鎮決水委已歸漕併趨
雲梯闕下海據稱留之無益應合一體建築遙隄復將
磨臍溝減水壩移建本處姑留羅家等口以殺黃流似
為允當工程次第此其大都矣再照築隄不難而取土
為難或為水占或為沙掩遠搜深取務得膠淤老土方
許填築夯杵並舉務求堅實臣等叅令伍申諸司道朝
乾夕惕惟此而已臣等猶慮官夫暗用飛沙填藏隄內
無從辨驗又製鐵探筒數拾具分散各工令其時時錐

探臣等閱工之時亦將前器探試如筒內帶出浮沙捏不成顆即將本管官究治挖去改築真如燕雀壘巢日計分寸其工誠有不易者至於石工採運亦甚艱苦與其速而不堅孰若遲而可久故未可責效於旦夕也近因風雪大作地脈凍結難以興工日下暫擬陸續散夫先遠後近至明年正月貳拾日以前鳩工再舉伏望皇上少紓南顧之憂容臣等悉心料理務圖永賴之計必不敢苟且塞責以負任使緣係恭報兩河工程次第事

理謹具題知奉聖旨工部知道

河患已除流民復業乞恩蠲租以廣招徠疏

為河患已除流民復業乞恩蠲租以廣招徠事據徐州
兵備兼管河道叅政游季勲呈蒙臣批山陽縣被災流
民陳漢等告為堰成復業乞憐困苦蠲豁糧差存恤事
內稱向因高堰衝決漢等大義安樂等鄉田地數萬頃
盡沈水底民廬飄蕩只得逃竄他方傭身乞食今幸堰
成地出遠近歡呼爭來復業但恐安身未定遽徵糧差

實難存濟告乞蠲恤以便開耕等情又蒙批桃源縣流
民海其等清河縣流民鄭效等俱告為懇救殘命事內
稱隆慶年間崔鎮等處口決節遭淹沒寸草不生民逃
外方赴食延命今幸建築遙堤水由地中其等田土頓
露漸次可耕即今賣船買牛覺有生路但汪濊蓁蕪一
旦舉趾荷鋤不無多費牛種仍恐未獲有秋遽催新賦
殘苦窮民實難復業如蒙蠲恤萬姓得生等情俱蒙批
仰徐州道查議速詳該本道議照清河桃源濱臨黃河

山陽壹縣適當淮黃之衝泗州接壤而鹽城寶應興化
居其下流自隆慶以來河變異常沙淤淺阻黃決崔鎮
等口而挑清長年渰沒淮決高堰黃浦而泗州山陽鹽
城寶應興化俱為巨澤小民無田可耕流移轉徙各色
糧差逋負日積近蒙本院部堅持築塞天神默相崔鎮
等處決口盡歸故道河身深刷水有所受再築高家堰
下樁廂板實土堅固見加高厚永保無虞自是淮會於
黃循厓下海桃清山陽泗州田地皆可耕種高堰既塞

黃浦立成鹽城寶應興化田地旋見涸露拾數年昏墊之患幸已消除黎庶傳聞歸復日衆正宜多方安插以示招徠若再加以舊欠追呼新輸徵併已歸者失望難存未歸者疑畏不至田地雖出亦復荒蕪合無請乞垂憐久災重地俯賜會題將前各州縣舊欠一應起存錢糧自萬厯陸年以前盡行蠲免萬厯柒年以後亦暫免徵俟安集既定耕種有成照舊一體徵派庶災民得業而子來河漕得民而永賴等因呈詳到臣據此案查先

該臣等題為恭報兩河工程次第事已將司道呈報過
工程分數具本於去年拾壹月貳拾壹日題知天寒凍
阻隨將官夫暫行掣放訖今於本年正月貳拾等日調
集夫役照舊赴工臣因大澗一帶勢甚艱險添取徐州
道叅政游季勲水利道副使張純協同郎中張譽晝夜
督理節據郎中余毅中呈稱崔鎮自去冬淤塞止餘積
水今已厚築土壩內地乾涸僉事朱東光呈稱歸仁集
隄決盡數堵塞隄南一帶頓復昔日田土之故流移亦

多復業且津津事犂鋤矣郎中張譽呈稱高堰塞決難在濶口去冬偶值冰雪竟難收功今蒙本院部親督官夫奮力負薪塞土頓挽全淮旋復故堰遂使數拾年之沮洳立成平陸數萬頃之膏腴盡還原業衆夫之畚挿有地三農之耕耨不妨見今密布柵樁中實板片即取乾出之土增高加厚務保無虞等因各到臣通候工完具題間隨據各縣流民陳漢等擁衆填門各告前情已經批行該道議詳去後今據前因該臣會同漕撫侍郎

江一麟議照治水之道固以昏墊為先而治民之方尤以招徠為要自隆慶肆年以來黃水旁決於崔鎮張四冲等處淮水旁決於高堰黃浦等處而淮揚之民魚鼈久矣今幸仰仗我皇上銳意圖治獨斷廟謨俾臣等得以勉竭犬馬之力以效胼胝之勞而司道諸臣大小各屬無不感奮自去歲玖月拾伍日興工以來中間苦為冰雪所阻實止用工叁月各工大約及半而崔鎮高堰歸仁集等處俱已斷流成陸見今加築高厚可保無虞

獨黃浦口伍拾餘丈見在興築然高堰為黃浦上流高
堰既塞黃浦亦可計日淮黃貳河悉由故道並流入海
了無漲溢中間或由天成或由人力要之皆仰仗皇上
聖德所感故天相其成人盡其力也臣等何能之有但
地雖復矣而耕地之人不可無民雖歸矣而保民之政
不可後倘佇足未定而催逋之吏已來開墾未成而增
課之令即下則苛政之驅民又有甚於兩河旁決之水
矣此災民之所以紛紛赴愬也職等欲俟大工通完之

日方為題請但此時正當佈種之候恩詔未頒民心未定其孰肯虛費工力哉此臣等所以不得不早為陳乞也伏望皇上俯念久困之民特下蠲租之令即敕該部查議如果臣等所言不謬即行臣等轉行各該州縣備查原被黃淮貳水漂沒田產某州某處若干某縣某處若干自萬厯陸年以前拖欠錢糧若干悉行蠲免其萬厯柒年以後應徵額課再免貳年或叁年俟其開墾成熟方與追徵其極貧下戶無力開墾者有司量為設處

牛種以給之則民不改聚而萬姓咸自子來地不改闢
而千里俱成沃壤矣緣係河患已除流民復業乞恩蠲
租以廣招徠事理謹題請旨

兩河經畧卷二